

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 41. sjednici, održanoj dana 30.01.2020. godine, d o n o s i

ZAKLJUČAK

I.

Prihvata se izjašnjenje Ministarstva za prostorno uređenje, promet i komunikacije i zaštitu okoline, broj: 12-34-16430-4/19 od 19.12.2019. godine, dato po prijedlogu Grada Zenica - Službe za ekologiju, komunalne i inspekcijske poslove, za Program rada Skupštine Zeničko-dobojskog kantona za 2020. godinu.

II.

Zaključak sa izjašnjenjem iz tačke I. dostavlja se Stručnoj službi Skupštine Zeničko-dobojskog kantona, na dalje postupanje.

III.

Zaključak stupa na snagu danom donošenja.

PREMIJER

Mirza Ganić

Broj: 02-_____/20

Datum, 30.01.2020. godine

Z e n i c a

DOSTAVLJENO:

- 1x Ministarstvo za prostorno uređenje,
 promet i komunikacije i zaštitu okoline,
- 1x Stručna služba Skupštine,
- 1x Služba za ekologiju, komunalne i inspekcijske
 poslove Grada Zenica, putem ministarstva,
- 1x a/a.



Broj:12-34-16430-4/19
Zenica, 19.12.2019.godine

ZENIČKO-DOBOJSKI KANTON
VLADA
Stručna služba Vlade

PREDMET: Izjašnjenje o prijedlogu Grada Zenica –Službe za ekologiju, komunalne i inspekcijske poslove za Program rada Skupštine za 2020.godinu –dostavlja se

U vezi Inicijative Grada Zenica –Službe za ekologiju, komunalne i inspekcijske poslove da se u Program rada Skupštine za 2020.godinu uvrsti donošenje Zakona o izmjenama i dopunama Zakona o komunalnim djelatnostima (*“Službene novine Zeničko-dobojskog kantona”, broj: 17/08*), tako što bi se u članu 27. Zakona *“stvorile pretpostavke za ravnomjerniju distribuciju opterećenja subjekata /obveznika plaćanja komunalne naknade, te realnije tretiranje proizvodnih prostora”*.

Ministarstvo za prostorno uređenje, promet i komunikacije i zaštitu okoline Zeničko-dobojskog kantona smatra da predmetna inicijativa nije osnovana iz slijedećih razloga:

U Poglavlju tri Zakona o komunalnim djelatnostima-Osnove i mjerila za utvrđivanje komunalne naknade u odredbama članova 24. do 30., propisan je način utvrđivanja komunalne naknade koji primjenjuju nadležne općinske službe na području Zeničko-dobojskog kantona prilikom utvrđivanja visine komunalne naknade.

Odredbama člana 30. Zakona, propisano je da vrijednost boda komunalne naknade utvrđuje Općinsko vijeće na osnovu programa finansiranja komunalne djelatnosti, a da se vrijednost boda komunalne naknade utvrđuje posebnom Odlukom najkasnije do 31.decembra tekuće godine za narednu godinu, a ako se vrijednost boda komunalne naknade ne utvrdi u propisanom roku, visina komunalne naknade ostaje nepromijenjena.

Iz citiranih odredaba Zakona o komunalnim djelatnostima proizilazi da Općinska vijeća svojim odlukama utvrđuju visinu vrijednosti boda koji bitno utiče na visinu komunalne naknade koja se izračunava primjenom tabele iz člana 27. Zakona, tako da su navodi iz Inicijative neosnovani jer je općinskim vijećima ostavljena mogućnost da svojim odlukama utiču na finansijska opterećenja obveznika komunalne naknade.

Grad Zenica je tokom 2013. i 2017.godine pokretao Inicijative sličnog sadržaja za izmjenu Zakona o komunalnim djelatnostima koje nisu prihvaćene od strane Vlade i Skupštine Zeničko-dobojskog kantona.

S poštovanjem.

MINISTAR

Arnel Isak

Dostavljeno:
1 x Naslovu
1x a/a